

**Soalan 1-2**

Pilih jawapan yang **paling sesuai**.

1. Semasa di bangku sekolah dahulu, Encik Alif _____ dipilih sebagai murid terbaik sekolahnya.
A sudah
B pernah
C belum
D hendak

2. Dua orang anggota polis trafik sedang _____ pergerakan lalu lintas di jalan raya yang sesak.
A menyelia
B mengurus
C mengawal
D mentadbir

Soalan 3

3. *Pilih ayat yang betul.*
A Tolong jangan bercakap kasar dengan orang tua.
B Cara hendak pergi ke pusat peranginan itu bagaimanakah?
C Ibu meminta Farid pergi ke kedai untuk membeli sebotol sos tomato.
D “Aduh, kasut yang kamu beli itu tidak cantik!” kata ibu kepada kakak.



Soalan 4 – 6

Baca petikan di bawah dengan telitinya, kemudian jawab soalan-soalan yang berikutnya:

Shukri masih mempunyai datuk dan nenek. Mereka tinggal di Baling, Kedah. Walaupun datuk dan nenek Shukri sudah berusia, namun mereka masih sihat. Mereka berkebun sayur dan menanam pokok buah-buahan. Setiap kali tiba musim cuti sekolah, Shukri akan pulang ke kampung. Dia suka tinggal di kampung kerana dia dapat melakukan aktiviti yang menyeronokkan seperti memancing ikan, mandi di sungai, dan bermain sepak raga.

Kampung Shukri terletak di kaki bukit. Udara di kampungnya segar dan nyaman. Di kampung Shukri ada air terjun yang indah. Penduduk kampung Shukri amat mementingkan penjagaan alam sekitar. Mereka tidak melakukan aktiviti yang mencemarkan alam sekitar. Oleh sebab itu, kampungnya bebas daripada pencemaran.

4. Mengapakah Kampung Shukri tidak tercemar?

- A Kampung Shukri terletak di kaki bukit.
- B Udara di kampung Shukri segar dan nyaman.
- C Kampung Shukri mempunyai air terjun yang indah.
- D Penduduk kampung Shukri menghargai alam sekitar.

5. Pilih pernyataan yang **benar** tentang petikan.

- A Datuk dan nenek Shukri sudah uzur.
- B Kampung Shukri terletak di atas bukit.
- C Keindahan kampung Shukri masih terpelihara.
- D Shukri berasa bosan apabila tinggal di kampung.



6. Yang berikut ialah aktiviti yang dilakukan oleh Shukri di kampungnya berdasarkan petikan, **kecuali**...


- A berkebun sayur.
- B mandi di sungai.
- C memancing ikan.
- D bermain sepak raga.



Soalan 7 – 10

Baca maklumat dalam **Bahan 1** dan **Bahan 2** dengan telitinya, kemudian jawab soalan-soalan yang berikutnya.

Bahan 1



Bahan 2

Puan Shahira : Shahir, tolong angkat bakul pakaian kotor itu. Ibu mahu membawanya ke kedai dobi layan diri.

Shahir: Baiklah, ibu. Boleh saya ikut sekali? Saya mahu mempelajari cara menggunakan mesin basuh di kedai itu.

Puan Shahira : Boleh, Shahir. Di kedai itu nanti, bolehlah kamu menolong ibu memasukkan pakaian kotor ke dalam mesin basuh.

Shahir: Mengapakah ibu suka membasuh pakaian di kedai dobi layan diri?

Puan Shahira : Kedai dobi layan diri menawarkan perkhidmatan yang memuaskan. Kedai itu berkonsepkan mesra pelanggan kerana perkhidmatannya mudah, selesai, dan menjimatkan wang.

Shahir: Adakah *cucian* di kedai itu bersih, ibu?

Puan Shahira : Sudah tentu. *Cucian* di kedai itu bersih dan berbau harum. Mesin basuh yang digunakan berkualiti tinggi.



7. Kedai dobi layan diri menggunakan konsep

- A mesra alam.
- B mesra rakyat.
- C mesra penduduk.
- D mesra pelanggan.

8.

Masukkan syiling atau token ke dalam ruang yang disediakan.

Penjodoh bilangan yang sesuai dengan perkataan bergaris di atas ialah

- A biji.
- B helai.
- C ketul.
- D keping.

9. Perkataan *cucian* dalam **Bahan 1** dan **Bahan 2** boleh digantikan dengan perkataan

- A pakaian.
- B bilasan.
- C basuhan.
- D rendaman.

10. Pilih pernyataan yang benar tentang **Bahan 1** dan **Bahan 2** di atas

- A Puan Shahira berpuas hati dengan perkhidmatan kedai dobi layan diri.
- B Pengguna mesti menggunakan air panas jika memilih mod cucian biasa.
- C Wang kertas perlu dimasukkan ke dalam mesin basuh untuk memulakan cucian.
- D Kedai dobi layan diri membebankan pengguna kerana kos perkhidmatannya mahal.

Bahagian B



Dr Philip
国语网课

再不努力就完蛋了！努力！努力！



Soalan 1

Baca petikan di bawah, kemudian jawab soalan-soalan yang berikutnya.

Pada waktu rehat, Hafiz pergi ke pusat sumber sekolah. Dia pergi ke pusat sumber itu dengan rakan baiknya, Ziad. Semasa di pusat sumber itu, Hafiz mencari buku tentang sains angkasa. Setelah berpuluh-puluh minit, buku itu masih gagal ditemukannya. Hafiz berasa sungguh kecewa dan marah.

“Sabar, Hafiz. Kamu tidak sepatutnya cepat naik angin,” kata Ziad.

Pustakawan pusat sumber itu menyedari masalah yang dihadapi oleh Hafiz. Beliau sangat baik hati kerana sudi membantu Hafiz. Dengan bantuannya, buku yang dicari oleh Hafiz akhirnya berjaya ditemukan. Hafiz mengucapkan terima kasih kepada pustakawan tersebut.

a) Hafiz dapat mencari buku yang dikehendaknya dengan bantuan _____

_____.

b) Mengapakah Hafiz kecewa dan marah?

c) Garisi **satu kata kerja transitif** yang terdapat dalam ayat yang diberikan.

Pustakawan pusat sumber itu menyedari masalah yang dihadapi oleh Hafiz.



d) Pilih dan tandakan(✓) bagi ayat yang **sama maksud** dengan ayat yang diberikan.

“Sabar, Hafiz. Kamu tidak sepatutnya cepat naik angin,” kata Ziad.	
Ziad meminta Hafiz bersabar kerana dia cepat naik angin dengan sikap rakannya itu.	
Ziad meminta Hafiz bersabar dan memberitahu rakannya itu bahawa dia tidak sepatutnya cepat marah.	

Bahagian B

Soalan 2

Baca dan fahami situasi di bawah. Kemudian, berikan pendapat kamu berdasarkan situasi tersebut.

*Panjangnya jawapan kamu hendaklah **tidak lebih daripada 30 patah perkataan**.*

Kes kemalangan jalan raya yang melibatkan murid sekolah sering berlaku. Kamu sering membaca laporan tentang kemalangan tersebut di media massa.

Apakah yang perlu kamu lakukan untuk mengelakkan diri kamu daripada menjadi mangsa kemalangan jalan raya?
